

D+S

M

Mach

Musique et paroles: 14-02-2013,
Ss. Cyrille et Méthode

1. Chémin-an dévan-n, n-ap maché san rété.
Chalè ak frédi pa jinnin nou sou rout.
Koté-n pa kapab, nou fè yon ti pozé.
Lè fòs nou réfè, nou réprann rout nou-an.
R. Maché, maché, maché.
2. Grangou avèk souaf pa kapab fè-n kanpé ;
Fatig ak dòmi pap fésé nou atè.
Nou mèt ralanti, n-ap piété, n-ap rivé,
Jous koté n-pralé nan bout chémin nou-an.
3. Nou pap gad dèyè pou-n pa dékourajé ;
Sé chak jou n-ap jouinn yon bagay ki tou nèf ;
Moso pa moso, bout pa bout, piès pa piès,
N-ap rivé koté yo voyé nou alé.
4. Nou mèt pou kont kò-n, nou konn koté-n pralé,
Nou pap pèdi rout, minm si-n viré-tounin ;
Yon jou kon mil-an, mil-an minm kon yon jou ;
N-ap trinnin, trimin, min n-ap rivé kan minm.
5. Féblès, maladi, désépsion ak échèk,
Anyin pap rési fè-n lagé sou rout la ;
Maché n-ap maché, sé bliyé sa-k dèyè,
Sé so n-ap paré, sé élan n-ap réprann.
6. Pasians, andirans louvri tout pòt pou nou,
Odas ba nou fòs pou-n maché jous nan bout ;
Si-n chita, n-kouché, sé pou-n kab al pi louin,
Pou-n rivé koté n-ap répozé tout tan.
7. Manman nou avè-n, sou koté l-ap poté-n ;
Li fè-n répozé, sou jénou l-balansé-n ;
Li fè-n bouè kont lèt jous nou byin konsolé ;
Li fè kè-n kontan, kè-n ap bat anndan kè-l.
8. Li mété-n kouché sou léstomak *Papa*-n ;
Chagrin nou fini, tout anvè nou konblé ;
Ni *chè* nou, ni *san*-n, yo jouinn sa yo bézouin ;
Léspri nou pozé pou tout tan k-ap gin tan.

Is 4, 5-6
Ex 40, 36-38 ; Jn 4, 6 ; Mc 6, 31

Is 30, 29 ; Ps 84, 6 ; 120-134 ; Is 52, 12

Ex 16, 1 - 17, 7 ; Dt 8,3 ; Lc 4, 2 ; 1 R 19, 1-8
Mt 8, 24 ; 26, 40 ; Ct 5, 2
Gn 33, 14 ; Is 40, 11

Gn 19, 17 ; Mt 24, 18 ; Lc 9, 62 ; 19, 20-21 ; He 11,15
Mt 6, 34
Gn 12,9

Ac 16, 6-10 ; Si 4, 17-18 ; Lc 2, 44-46
2 P 3, 8 ; Ps 90, 4

Rm 8, 35-39 ; 2 Co 11, 23-29 ; 12, 8-10 ; 4, 8-9 ; 1 Co
4, 9-13

Ph 3,13

He 4, 16 ; Lc 18, 1-8 ; 11, 5-13 ; Gn 18, 17-33

Is 66, 10-13

Is 52, 9